



# Tuhaqtidjutikhaq

Tuhaqtitauhainnaqtukhaq

## GN-kut hivuvaqtiqtaa Iqalungni Amigarnarhidjuti

**Iqaluit, Nunavut (Tissaipa 8, 2021)** – Nunavunmi Ministaa Nunalingni Kavamatkunillu Pivikhaqautikkut Havagviani hivumuktijuummiqtitaa Amigarnarniq Iqalungni talvunga Tissaipa 21mun, 2021.

Ublumimun, GN-kut ikajuqtaa Nunalipaujaanga Iqalungni imaatun:

- Niuvirnikkut, agjaqtarnikkut tunirhainikkullu palaastikniittuni imakhautit kiunikkut tadjainnaq halumajunik imakhanik ihariagijaujunik Iqalungmiunnin.
- Nuutiriniik halumajunik imakhanik turhuat tutqumavikhallu imaqarviit.
- Tuniutinirni ajurnavjaktuni qaujiharharnirik titiraujarnikkullu nakuuhaffaarnikkut Nunalipaujaap imakhanik auladjutikhainnik.
- Ihivriurnirnik halummarhinikkut ahikkuurutikkut ihuarhainikkullu qanuriliurutikhanik.
- Tukhirluni ikajurutikhanik kavamatuqatkunnin uuminnga aallamik nuutiqtauttaaqtumik imakhakkut halummarhivingmik.

Malruuk halumajunik imakhanik halummarhivingnik ilijauniaqtuk haniani Lake Geraldine-mi halummarhiniaqtuk ihivriuqlugulu imakhaq tuniurhaktautinnani. Palaastikniittuni imakhat tuniuhqaqtauhimaaqtauniaqtun nunallaamiutanun atuqtun turhuakkuuqtaujunik imakhanik.

GN-kut havaqatigihimmaaqtaait Kanadami kavamanga unalu Nunalipaujaanga Iqalungni aullaqtipkainikkut Kanadami Angujaktiit imakhanik halummarhinikkut ingilrutait tuniurhainikkullu aulapkaidjutait Iqalungni.

Amigarnarniq aturutiqarniaqtuq 14nun ublunun, talvannga Tissaipa 7mun uvunga Tissaipa 21mun, 2021. Una pidquidjuti hulaqutingitaa Inungnun Aanniaqtailinikkut Amigaqhuuti uqariijaqtauhimajuq kiudjutikkut uumunga COVID-19 qalagjuarnikkut nunarjuarmi-hiamihimajuq.

**Tuhaqtipkainikkut Uqarvigijakhat:**

Aramide (Lola) Owoaje  
Atangujaq, Atugakhangit Maligakhanullu  
Nunalingni Kavamatkunnilu Pivikhaqautikkut  
867-975-5354  
[aowoaje2@gov.nu.ca](mailto:aowoaje2@gov.nu.ca)

ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ, [www.gov.nu.ca](http://www.gov.nu.ca).  
News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Tuhaqtaghat ittut Inuktitut, Qablunaatitut, Inuinnaqtun Uiviitullu talvani [www.gov.nu.ca](http://www.gov.nu.ca).  
Les communiqués de presse sont disponibles en inuktitut, en anglais, en inuinnaqtun et en français au [www.gov.nu.ca](http://www.gov.nu.ca).